

AUGLÝSING

um staðfesting forseta Íslands á breytingu á reglugerð fyrir Háskóla Íslands,
nr. 76/1958, með áorðnum breytingum.

Forseti Íslands féllst hinn 27. september 1974 á tillögu menntamálaráðherra um að staðfesta eftirfarandi breyting á reglugerð nr. 76 17. júní 1958 fyrir Háskóla Íslands með áorðnum breytingum.

1. gr.

50. gr. orðist svo:

I. Kennslugreinar í viðskiptadeild eru þessar.

- 1.1. Bókfærsla.
- 1.2. Reikningshald I.
- 1.3. Reikningshald II.
- 1.4. Reikningshald III.
- 1.5. Stærðfræði I.
- 1.6. Stærðfræði II.
- 1.7. Tölfræði.
- 1.8. Skrifstofustörf.
- 1.9. Rafreiknar I.
- 2.1. Íslensk haglýsing.
- 2.2. Enska.
- 2.3. Lögfræði.
- 2.4. Almenn þjóðhagfræði.
- 2.5. Almenn rekstrarhagfræði.
- 3.1. Stjórnun I.
- 3.2. Stjórnun II.
- 3.3. Fjármál fyrirtækja I.
- 3.4. Fjármál fyrirtækja II.
- 3.5. Sala I.
- 3.6. Sala II.
- 3.7. Framleiðsla I.
- 3.8. Framleiðsla II.
- 3.9. Þjóðhagfræði II.
- 4.0. Þjóðhagfræði III.
- 4.1. Opinber stjórnsýsla.
- 4.2. Stjórnskipunar- og stjórnarfarsréttur.
- 4.3. Skattaréttur, skattskil.

- 4.4. Almenn hagsaga.
- 4.5. Saga hagfræðikenninga.
- 4.6. Hagkerfi.
- 4.7. Félagsmálahagfræði.
- 4.8. Hagrannsóknir.
- 4.9. Þjóðhagsreikningar og þjóðhagsáætlanir.
- 5.0. Stærðfræðileg hagfræði.
- 5.1. Áhættukenningar.
- 5.2. Hagræn landafræði.
- 5.3. Aðgerðarannsóknir.
- 5.4. Rafreiknar II.
- 5.5. Reikningshald IV.
- 5.6. Endurskoðun.
- 5.7. Vinnusálfræði.
- 5.8. Utanríkisverslun og alþjóðastofnanir.
- 5.9. Fyrirtækið og þjóðfélagið.
- 6.0. Vinnurannsóknir.
- 6.1. Markaðsrannsóknir.
- 6.2. Markaðsboðmiðlun.
- 6.3. Stefnumótun fyrirtækja.
- 6.4. Samgönguhagfræði.
- 6.5. Fiskihagfræði.
- 6.6. Félagsfræði.
- 8.1. —
- 8.9. Erlend tungumál, skv. nánari ákvörðun deildar.
- 9.0. Ritgerð um efni, sem stúdent velur í samráði við fastan kennara í deildinni, skv. nánari ákvörðun deildar.

Kennslugreinar 1.1.—1.7., 1.9.—2.5., 4.3. og 6.6 eru fyrri hluta greinar. Aðrar greinar eru síðari hluta greinar. Greinar 3.1.—3.8. eru í fyrirtækjakjarna Greinar 4.0.—4.2. ásamt greinum 3.1., 3.3., 3.7., 3.9. og 4.8. eru í þjóðhagskjarna, sbr. II. kafla þessarar greinar.

Kennslugreinar 4.4.—4.7., 4.9.—6.5. og 8.1.—8.9. eru kjörgreinar. Greinar 3.1.—4.2. og 4.8., sem ekki eru í kjarna, sem valinn er, geta verið kjörgreinar, eftir því sem við á. Hluti kjörgreina (9 námseiningar, skv. IV. kafla þessarar reglugerðar) skal mynda sérstakt kjörsvið, sbr. síðar.

Hluti kjörgreina (12 námseiningar) er eftir frjálssu vali úr síðari hluta greinum, sem hvorki mynda kjarna né kjörsvið. Heimilt er einnig að áskildu samþykki viðskiptadeildar að velja frjálsar kjörgreinar í öðrum deildum eða námsbrautum með samþykki viðkomandi deilda eða námsbrauta.

Viðskiptadeild er heimilt að ákveða nýjar kjörgreinar, sem hér eru ekki taldar, enda sé fjárveiting fyrir hendi.

Viðskiptadeild ákveður námsefni í hverri einstakri námsgrein, hvort skylda skuli stúdenta til að skila ritgerðum um tiltekin efni, hvort halda skuli æfingar í einstökum kennslugreinum og hvernig þeim æfingum skuli háttað. Heimilt er að meta ritgerðir og frammistöðu í æfingum sem hluta af prófi. Við ákvarðanir þessar skal jafnan haft samráð við kennara í viðkomandi grein. Heimilt er deildinni að meta vinnu stúdenta í fyrirtækjum og stofnunum og vinnu við ákveðin verkefni utan deildar jafngilda samningu ritgerða og þátttöku í æfingum.

Viðskiptadeild ákveður, hvenær tímabært er að hefja kennslu í einstökum kjörgreinum innan þess ramma, sem fjárveitingar leyfa. Eftir að kennsla í kjörgrein

er hafin, er viðskiptadeild heimilt að fella niður kennslu einstök ár, ef ekki fæst að dómi deildarinnar næg þátttaka stúdenta, eða ef ekki er að dómi deildarinnar kostur hæfra kennslukrafta, en stúdent skal þó heimilt að þreyta próf í viðkomandi grein.

Kennslu í fyrri hluta skal haga þannig, að farið sé yfir allt námsefnið árlega, og við það miðað, að hægt sé að ljúka prófi í fyrri hluta á tveimur árum.

Kennslu í síðari hluta skal haga þannig, að farið sé yfir námsefni í kjarna-greinum árlega, en námsefni í öðrum greinum a. m. k. annað hvert ár með þeim takmörkunum, sem leiðir af öðrum ákvæðum þessarar greinar.

II. Próf í viðskiptafræðum.

Fyrri hluta próf.

Prófgreinar í fyrri hluta eru þessar:

- 1.1. Bókfærsla.
- 1.2. Reikningshald I.
- 1.3. Reikningshald II.
- 1.4. Reikningshald III.
- 1.5. Stærðfræði I.
- 1.6. Stærðfræði II.
- 1.7. Tölfræði.
- 1.9. Rafreiknar I.
- 2.1. Íslensk haglýsing.
- 2.2. Enska.
- 2.3. Lögfræði.
- 2.4. Almenn þjóðhagfræði.
- 2.5. Almenn rekstrarhagfræði.
- 4.3. Skattaréttur, skattskil.
- 6.6. Félagsfræði.

Hver prófgrein er sjálfstæður prófhluti í merkingu 2. málsgr. 68. gr. háskóla-reglugerðar.

Lágmarkseinkunn í prófgreinum 1.1., 2.4. og 2.5. er 6.5 (á 10-skala), en lágmarkseinkunn 4.0 í öllum öðrum greinum. Auk þess skulu allir ljúka prófi úr fornám-skeiði í stærðfræði með lágmarkseinkunn 5.0 áður en próf er tekið í stærðfræði I. Einnig skulu nemendur ljúka námskeiði í vélanotkun, áður en þeir segja sig til síðasta prófs í fyrri hluta.

Próf skulu vera skrifleg, nema viðskiptadeild samþykki annað. Vægi prófgreina skal miða við námseiningafjölda þeirra, sbr. IV. kafla þessarar reglugerðar.

Þessar greinar eru metnar 6 námseiningar: 1.7., 2.1., 2.3., 2.4., 2.5. Áðrar greinar fyrri hluta eru metnar 3 námseiningar.

Stúdent er heimilt að þreyta próf á öllum venjulegum próftímum. Stúdent sem innritast að hausti skal heimilt að þreyta próf í bókfærslu í upphafi kennsluárs.

Próf í bókfærslu, reikningshaldi I., reikningshaldi II. og reikningshaldi III. skulu tekin í framangreindri röð.

Hið sama gildir um röð prófa í fornámsskeiði í stærðfræði, stærðfræði I. og stærðfræði II. Stúdent skal heimilt að fara í áður talin próf á sama próftímabili, eftir því sem við á, en próf aftar í röðinni telst ógilt, ef ekki er staðist próf, sem er framar í röðinni.

Síðari hluta próf.

Síðari hluta próf er samsett af kjarna, kjörsviði, frjálsum kjörgreinum og ritgerð.

Kjarni er metinn 30 námseiningar, kjörsvið 9 einingar, frjálsar kjörgreinar 12 einingar og ritgerð 9 einingar.

Stúdent getur valið milli tveggja kjarna, A og B. A er fyrirtækjakjarni, B er þjóðhagskjarni.

Prófgreinar í fyrirtækjakjarna (A) eru þessar:

- 3.1. Stjórnun I.
- 3.2. Stjórnun II.
- 3.3. Fjármál fyrirtækja I.
- 3.4. Fjármál fyrirtækja II.
- 3.5. Sala I.
- 3.6. Sala II.
- 3.7. Framleiðsla I.
- 3.8. Framleiðsla II.

Prófgreinar í þjóðhagskjarna (B) eru þessar:

- 3.1. Stjórnun I.
- 3.3. Fjármál fyrirtækja I.
- 3.7. Framleiðsla I.
- 3.9. Þjóðhagfræði II.
- 4.0. Þjóðhagfræði III.
- 4.1. Opinber stjórnsýsla.
- 4.2. Stjórnskipunar- og stjórnarfarsréttur.
- 4.8. Hagrannsóknir.

Lágmarkseinkunn er 4.0 í hverri grein. Próf skulu vera skrifleg, nema viðskiptadeild ákveði annað.

Greinar 3.9. og 4.0 eru metnar 6 námseiningar, greinar 3.2., 3.4. og 3.6. sem 5 námseiningar, en aðrar greinar 3 námseiningar. Greinar 8.1.—8.9. (erlend tungumál) skulu þó metnar sérstaklega af viðskiptadeild að höfðu samráði við stjórn þeirrar deildar, sem tungumálin eru kennd í.

Ritgerð er metin 9 námseiningar. Efni hennar skal vera úr sviði kjarna eða kjörsviðs og vera valið í samráði við a. m. k. einn fastan kennara deildarinnar fyrir lok kennslu á fyrsta ári í síðari hluta. Ritgerðina skal afhenda deildarforseta í tveimur vélrituðum eintökum, áður en það próftímabil hefst, sem stúdent er útskrifaður í.

Kennara og prófdómara er heimilt að prófa nemanda munnlega um efni ritgerðar og meta frammistöðu sem hluta af einkunn ritgerðarinnar.

Stúdent skal hafa lokið fyrri hluta prófi, áður en hann segir sig til prófs í síðari hluta greinum. Heimilt er að þreyta próf á öllum venjulegum próftímum.

III. Val kjörsviða.

Viðskiptadeild setur sjálf reglur um val kjörsviða, bæði að því er tekur til samvals námsgreina og tímasetningar valdsins. Stúdent skal þó aldrei velja sér kjörsvið síðar en í aprilmánuði á fyrra ári í síðari hluta. Kennsla á kjörsviði skal að jafnaði vera á öðru ári í síðari hluta.

IV. Námseiningar.

Fyrri hluta nám er metið 60 námseiningar og síðari hluta nám er einnig metið 60 námseiningar. Misserisnám í deildinni er þannig að jafnaði metið 15 námseiningar. Að baki hverri námseiningu skal að jafnaði vera a. m. k. 1 vikuleg misseris-kennslustund eða 1 námsvika.

Ritgerð sbr. kennslugrein 9.0. er metin 9 námseiningar.

V. Kennsluár og árlegur próftími.

Próf skal halda 7.—20. janúar, í maí—júni og 1.—15. september.

VI. Almenn ákvæði um próf og námstíma.

Einkunnir skal gefa í heilum og hálfum tölum frá 0—10. Greini prófdómara og kennara á, hlýtur stúdent þá einkunn í hálfri eða heilli tölu, sem næst liggur meðaltali einkunna kennara og prófdómara.

Aðaleinkunn er vegið meðaltal allra prófeinkunna einstakra greina. Aðaleinkunn skal reiknuð með einum aukastaf, og er 9.0—10 ágætiseinkunn, 7.3—8.9 er I. einkunn, 6.0—7.2 er II. einkunn og 5.5—5.9 er III. einkunn.

Til þess að standast kandidatspróf verður stúdent að hafa hlotið:

1. Eigi lægra en 4.0 í hverri prófgrein, sbr. áður.
2. Eigi lægri einkunn en 6.5 í bókfærslu, almennri rekstrarhagfræði og almennri þjóðhagfræði, sbr. áður.
3. Eigi lægri meðaleinkunn en 5.5 úr hvorum hluta um sig. Falli stúdent úr deildinni er honum heimilt að halda einkunn í bókfærslu, almennri rekstrarhagfræði og þjóðhagfræði, hafi hann náð tilskildum lágmarksárangri í þessum greinum.

Kennslu í viðskiptadeild skal haga þannig, að hægt sé að ljúka fyrri hluta prófi eftir tveggja ára nám og síðari hluta prófi eftir tveggja ára nám til viðbótar.

Ekki má líða lengri tími en 6 kennslumisseri frá innritun þar til lokið er fyrri hluta prófi. Ef út af bregður, fer stúdent af skrá og próf, sem hann hefur tekið, falla úr gildi.

Ekki má líða lengri tími en 6 kennslumisseri frá því er stúdent lýkur fyrri hluta prófi, þar til hann lýkur síðari hluta prófi. Ef út af bregður, fer stúdent af skrá og próf, sem hann hefur tekið, falla úr gildi.

Viðskiptadeild getur veitt undanþágu frá ákvæðum þessarar greinar um tímatakmörkun, ef stúdent hefur verið veikur eða öðrum vítaleysisástæðum er til að dreifa.

VII. kafli.

Viðskiptadeild annist, eftir því sem fjárveitingar og kennslukraftar leyfa, upp-rifjunar- og framhaldsnámskeið fyrir kandidata og enn fremur almenn námskeið og fyrirlestra, eftir því sem efni standa til.

VIII. Gildistaka.

Reglur þær um nám í viðskiptafræðum, sem hér eru settar, skulu gilda um stúdenta, sem innritast eftir 1. júní 1974.

2. gr.

Reglugerðarbreyting þessi öðlast þegar gildi.

Í menntamálaráðuneytinu, 2. október 1974.

Vilhjálmur Hjálmarsson.

Knútur Hallsson.